



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De milite Conuerso, quem vxor tempore tentationis repetiuit, cap. 93

**urn:nbn:de:hbz:466:1-13177**

ibus, id est, in luxuriosis. In Euangelio duobus se excusantibus, is qui vxore duxit, superbè respondit, dicens: Vxorem duxi, & ideo non possum venire. APOLLONIVS: Quid est quod Dominus in Euangelio aper-  
 tè prohibet gulam, & figuratiè luxuriam? De illa di-  
 cit: Videre ne corda vestra grauentur crapula & ebrie-  
 tate. De ista verò: Sint lumbi vestri præcincti. CAESA-  
 RIVS: Nouerat creator totius naturæ, de gula luxu-  
 riā oriri, illiusque fomentis nutriti: Genitalia ven-  
 tri coniunguntur. Ac si diceret Dominus: Ne fias lu-  
 xuriosus, gulæ indulge parciùs. Sine Cerere & Bac-  
 cho friget Venus. Tria sunt quæ fomenta luxuriæ cap. i. ad  
 inflammant, viximus immoderatus, vestitus pretiosus, Titum.  
 otiositas. Hæc tria propheta fuisse dicit iniquitatem Terét. in  
 Sodomæ, videlicet saturitatem panis, id est, gulam: Eunuch.  
 superbiā vitæ, scilicet superfluitatē vestium, per quā Ezech. 6.  
 libido prouocatur: & otium ipsius & filiorum & filia-  
 rum ejus. Multa mala, ut dicit Salomon, docuit otio-  
 sitas. Dauid propter otium peccauit cum Bersabæ. Eccl. 33.  
 Vnde quidam ait: Otia si tollas, periére Cupidinis ar-  
 cus. Mala bestia est luxuria, castitatis impatiens, nulli Ouid. li. x  
 sexui parcit, vix aliquem quiescere sinit: excitat dor-  
 mientes, concitat vigilantes, nunc per motus natu-  
 rales, nunc per cogitationes, nunc per formas oculis  
 subiectas. Tentat incipientes, tentat proficientes,  
 tentat perfectos. APOLLONIVS: Satis audiui luxuriæ  
 pericula, audiui & contra illam medicamenta, nunc  
 precor ut subjungas exempla. APOLLONIVS: Non de  
 illis dicere volo, qui luxuriæ cōsentientes ceciderūt,  
 sed qui ab ea tentati & conquassati, Dei gratia con-  
 seruati sunt.

## CAPUT XCIII.

**M**Iles quidam diues & honestus, more ecclæ- Luxuria  
 siastico ab vxore sua separatus, ad quan- tentatio-  
 dam domum ordinis nostri, gratia conuer- nem vin-  
 sionis, venit, cui onia sua cōtulit tali pacto, ut domus centes.  
 eadem vxori, quoad viueret, certam assignaret pen-  
 sionem, quæ in loco religioso vitam promiserat du-  
 cere religiosā. Nolo nominare domū siue militē, ne  
 Q. forte

forte aliquam ex his, quæ dicturus sum, quia adhuc viuit, sustineat verecundiam. Facto eo nouitio, in tantâ diabolus illam stimulauit, ut à proposito resiliret, maritumque iam in fratrem conuersum repeteret. Dum sic nihil proficeret, cum amicis ad monasterium insidiosè veniens, vt sibi cum illo extra septa monasterij loqui liceret petiuit, & obtinuit. Quem milites rapientes, & vi super equum trahentes, abducere conabantur. Ille verò in quantû ex vna parte leuabatur, in tantum ex altera parte deorsum labebatur. Tandem nihil videntes se proficere, cum matrona reuersi sunt. Tunc illa siluit toto anno illo. Finito anno probations, exigente necessitate, assumpto secum monacho, venit in domum suam, in qua supradictam reperit matronam. Illa simulans se velle ei loqui secretius, in cameram duxit, clausoque post illum ostio, claculò amplecti ac deosculari cœpit. Sperabat enim, quia si illum ad peccandum inducere posset, quod deserto ordine ad ipsam rediret. Sed filius integritatis Christus,

*Genes. 39* qui innocentē puerū Ioseph liberauit de manibus adulteræ, eripuit & hunc militē suum ab amplexibus illicitis suæ legitimæ: nam de brachiis eius se excutiens, illæsus exiuit, & in igne non arsit. Rediens hic in domum suam, dicere potuit cum Salomone: Inueni amarior rem morte mulierem, quæ laqueus venatorum est, & sagena cor eius, vincula sunt manus illius. Cui meritò congruit quod subjungitur: Qui placet Deo, effugiet illam. *APOLLONIVS:* Grandis tentatio hæc. *CÆSARIUS:* Grandior ista fuit quæ sequitur.

## CAPUT XCIV.

**I** Vuenis quidam Colonensis, Richvinius nomine, nouitius factus est in domo nostra. Hic cùm satis deuotè ac quietè per aliquod tēpus in probatione ageret, ordinemque suum disceret, diabolus paci ac saluti eius inuidens, per quandam sanctimonialem beatæ Ceciliæ, iam dictæ ciuitatis, tantâ guerram in eius corde mouit, tantis libidinū stimulis carnem eius vulnerauit, ut quiescere non posset. Literas revocationis ipsa dictauit & scripsit, in quibus cum arguit